

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Schatzbehälter der wahren Reichtümer des Heils**

**Fridolin, Stephan**

**[Nürnberg], 1491**

Von der ere der glaubigen

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

## Von der ere der glaubigen

vnd das wirt an manichen orten der geschafft bewert. Besunder in ysaiā an vil orten. Da wirt der trost vnd die ere der heiligen kein end haben. wann das leidē das sie vmb cristus willē hie gelittē habē. wirt inen yn tausentfellig freud ver wandelt. Aber die freud. die die vnglaubigen vō der pen der heiligē gehabt habē. wirt inē in vnaussprechlich layd ver endert.

|| Wie die iuden. die vnseren herren gespottet habenn. yn seiner marter. mit gespōtt irer pen bezalt sind worden.

**A**ls den iuden auch beschehen ist. die auß der grossen pittern marter vnseren herren. die er doch für sy. vñ vmb irs heyls willen. also wol lidte. als für ander leüt. eyn gespōtte machtenn. Darüb kam es darnach bald darzu. das die heiden auß irer marter. auch einem wollust machten. Als titus tett. nach dē er iherusalem gewonnen hett. vñ die iuden gefangen mit im hinfürt. da machet er von leichter sach wegen. als weñ er den tag der geburt seins vatters vespassiani. oder seins bruders domiciani begieng. ein gar bitter spil. auß der pen d iuden. zu einē gesiht vnd zu einer ergetzlichkeit der heiden. Vnd gab ir mer dan dritthalbtausent in die schätz. vntter dē ettlich den thiern fürgeworffen wurde. mit inen zefechten. Als die meüß mit dē kätzten gar vngleich spilen oder fechten. Ettlich musten mit einadner mit schwertern streitten. bis sy einander vmbbrachte. Ettlich warf mā in dz feür. Da merck warzu die iuden kōmen seyen. nach dem als sy cristum verspott vnd yne vnd sein iüger gelestert vñ veruolgt habē. vñ der willen vorzeiten gott der herre vil kōnig. vnd kōnig der kōnigen vbergeben

vñ geschēdt hett. Die wurde so schnēd geachtet. dz man ir souil zu ere eins heyls dēs in die schantz eins spils schlug. Ein vnnützer bub domicianus was ettwan yn der zeit geborn. villeicht zu rom oder darbey. vnd in der palastynen land. bey dem gelobtem land. yn der statt. die ein schalāt iud der erst herodes. so herrlich gebaut het. musten mer dann fünffund zweintzighundert iuden zu einē gelecht vnd schimpf der heiden. zu ere d gepurt d isis bubēs. d danach mit gegewertig was. vñ nichtz darumb wisset. so tausentfelliglich bitterlich gemetziget zer rissen. vñ verprent werden.

|| Als die die cristum verachtet hetten. verachtet sind wordē. also sind die groß geachtet worden. die ine groß geachtet haben.

**A**ber merck widerumb. als gering vnd leichtgültig. die iuden. die cristum veracht haben. wordē sind. also groß geachtet. also hob gesetzt. vnd also kostbar sind die vor gott gerechnet wordē. die cristum auffgenommen. geliebt. geprediget. vnd vmb seinen willen. andre ding vbergeben. vnd durchachtung gelittenn haben. Der keyser nero griff sant peter vnd sant pauls an. die auch von dem geslecht der iuden warē. vñ er verlor als bald darnach in dem selben iar die gätz ein werlt. aller werlt ere. gewalt. gunst. seinen leib. sein sel. sein leben. also das er im selbs von forcht wegen auß verzweiflung schentlichen sein leben name. Vñ ward sein leyb C als ettlich gesprochen haben. d den wolffen. vñ sein sel dem teufel. Wiewoll ettlich schreibenn. das sie auch mit seinem vnseiligen leyb lang zeit vil gespennsts getribenn vnd söllichen schrecken den menschen gemacht haben

## Wunderere der glaubigen

an der statte. da yetzo vnser frawē kirch  
steet mit namē sancta maria de populo.  
Das nyemād daselbs getorft ein od außs  
geen. zu der pfort die da bey steet. wann  
die teüfel zerrissen die leüt. Also hast du  
wie nero. nach leib vñ sel. der teüfel spil  
worden ist. der sant peter vñ sant pauls  
vmb gebracht het. ¶ Aber die. die durch  
sein ordnūg. die iuden vmb prachte. als  
vespasianus. den er wider die iuden ge  
sandt. het. vñ titus. des vespasianus sun.  
die würdē an seier stat herrē aller werlt.  
vnd als heflich der keyser nero den rō  
mern ward. nach dē als er die diener cri  
sti durchrechtet. als lieb vnd werde wur  
den vespasianus vñ titus. nach dem. als  
sy die feind cristi. die bösen abtrünigen  
iuden verderbten. Vnd das du dz noch  
mer mercken mügest. Domitianus d key  
ser der auch vespasianus sun vnd Titus  
bruder was. vnd vmb seins vatters vnd  
bruders willen. so werde vñ lieb gehalten.  
Das er keyser ward. da er sant iohānsen  
den geliebten iunger an griffe. vñ yne in  
das siedend öl werffen. vñ in das ellend  
verschicken liefs. da fiel er alspald in vn  
günst der menschen. vñ zuuoran gottes  
des herren. vnd kam in ein solliche grau  
samer vorcht vnd sorg seins lebens. dz er  
sich nyendert sicher weste. darüb er auch  
die wend in den gepewen. in den er spa  
zyeret. mit den steinen. die man frigitas  
oder fingites. als ettlich schreibē. nennt.  
vnttersetzen liefs. das er in inen sehem  
möcht. was hinder im bescheh. Vnd yn  
sollichen sorgen vnd angstern belyb er.  
bis er in dem selben iar in dem er sant io  
hānsen den ewangelisten in daz ellend  
gesandt het. erschlagen ward. vnd alles  
das er geordnet. gebottē vñ gewölt hat.  
dz ward durch ein gemein vrtail des rō

mischen rats hinder sich getribē. vñ seine  
bild vnd wappē. ernyder geworffen. sein  
titel vnd nam abgetilgt vñ auß gehaw  
en. das er mit allein die herschafft vñ dz  
leben. sunder auch den namē verlüre. als  
der. der mit würdig were. dz man sein sölt  
gedencken. wann er hett ein weil in sun  
derheit. die durchrechtet. die von vnser  
herren geschlecht warem. ¶ Sibt du  
nun. wie gross die geachtet sind wordē  
vor gott dem herren. die cristū groß ge  
achtet haben. wann vmb iren willen. hat  
gott der herr die allerhöchsten vñ mecht  
tigestē diser werlt. vō den sy vmb cristus  
willen durchrechtet wurden. auff dz lezt  
geschendt. vernicht. verwoffen. vnd ver  
damp t. vnd wie ihenen. yn der weyttem  
werlt namhaftig. geeret. hochgehalten.  
würdig. durchleuchtig. vnd in dem himel  
vnaussprechenlich großlich gheyliget.  
erhöhet. mechtig vnd selig gemacht.

¶ Her widerumb wie leicht vñ schndd  
die geachtet vnd gehalten sind worden.  
die cristum verachtet vñ verschmeht ha  
ben. daz magst du außs den obgemelten  
dingen wol vermercken. vnd allermeist  
auf dem. dz titus d die iuden so schmech  
lich gehalten hett. als oben gemeldt ist.  
so lieb. so werde. so gross. vñ so erwirdig  
gehalten ward. das man ine die liebe vñ  
die wollüst des menschlichen geschlech  
tes nennet. Vnd da er gestorbē was. da  
claget mā in offenberlich. als ob ein vat  
ter aller werlt gestorben were. vñ der rō  
misch rat eret in vñ gebott in zeeren. als  
gott. vmb seiner grossen tugent willen.  
als sie widersynns seinen bruder Domi  
cianum. der cristum. vnd die cristen der  
ander nach dē nero. durchrechtet hett.  
yn dem leb em durchrechteten. Vnd  
nach dem tod also schmehtem. Das